



BOP

SÁBADO, 10 DE XANEIRO DE 2026

N.º 007

DEPUTACIÓN DE LUGO

boletin@deputacionlugo.org
www.deputacionlugo.gal

Dep. Legal: LU-1-1968

Administración: San Marcos, 8 - 27001 Lugo
Tel.: 982 260 124/25/26 - Fax: 982 260 205

EXCMA. DEPUTACIÓN PROVINCIAL DE LUGO

ÁREA DE RÉXIME INTERIOR, PROMOCIÓN DO TERRITORIO E TURISMO (SERVIZO DE TURISMO)

Anuncio

A Xunta de Goberno da Deputación Provincial de Lugo, en sesión ordinaria celebrada o 30 de decembro de 2025, acordou a aprobación das bases reguladoras e da convocatoria do Programa *Coñece a túa provincia* (anualidade 2026). Co fin de dar cumprimento a dito acordo, publícase o texto íntegro das bases reguladoras e procédese á convocatoria do programa:

BASES REGULADORAS E CONVOCATORIA DO PROGRAMA “COÑECE A TÚA PROVINCIA” (ANUALIDADE 2026)

A Deputación de Lugo, de conformidade co establecido no artigo 36.1 apartado d) da Lei 7/1985 de 2 de abril, Reguladora das Bases do Réxime Local, asume competencias en materia de cooperación no fomento do desenvolvemento económico e social e na planificación no territorio provincial, sen prexuízo das competencias que neste ámbito correspondan ás demais Administracións Públicas. Igualmente, de acordo co establecido no artigo 6º apartado a) da Lei 7/2011, de 27 de outubro, do Turismo de Galicia, as entidades locais de ámbito supramunicipal asumirán competencias no eido da promoción dos recursos turísticos e xeodestinos, segundo a definición contemplada no artigo 23.1, que se determinen dentro do seu ámbito territorial, en coordinación con todos os entes locais afectados e a Administración autonómica.

No marco das competencias sinaladas, a Deputación de Lugo convoca unha nova edición do programa *Coñece a túa provincia* co fin de contribuír á desestacionalización da oferta turística da provincia de Lugo, apoiar e dar visibilidade aos diferentes destinos e aos establecementos e profesionais que compoñen a cadea de valor do sector e servir como instrumento de sensibilización da veciñanza sobre o potencial turístico dos 67 municipios da provincia, así como da importancia do patrimonio natural e cultural como elemento que contribúe ao desenvolvemento sostible no eido económico, social e medioambiental.

BASES

Primeira: obxecto

O obxecto destas bases é a regulación da concesión, en réxime de concorrencia non competitiva, de excursións dentro da provincia de Lugo no marco do programa *Coñece a túa provincia* (anualidade 2026).

Segunda: destinatarios e número de prazas ofertadas.

Poderán participar neste programa todas as entidades sen ánimo de lucro legalmente constituídas e con sede na provincia de Lugo que non perderan o dereito a participar na pasada edición do 2025.

Na anualidade 2026 ofértanse un máximo de 3036 prazas.

Terceira: lugar e prazo de presentación das solicitudes

3.1 As solicitudes dirixiranse á Presidencia da Deputación de Lugo e presentaranse a través da sede electrónica da Deputación <https://sede.deputacionlugo.org/opencms/opencms/sede>, apartado “*Trámites Xerais*”, no espazo habilitado para o programa “*Coñece a túa provincia*”. As solicitudes (de acordo co modelo que figura no Anexo I destas bases), tamén poderán presentarse no Rexistro Xeral da Deputación de Lugo onde se realizará a comprobación dos datos identificativos a efectos do seu rexistro electrónico. Igualmente, as solicitudes poderán presentarse en calquera dos rexistros que menciona o artigo 16.4 da Lei 39/2015, de 1 de outubro.

3.2 O prazo de presentación de solicitudes comezará ás 12:00 horas do mediodía do seguinte día hábil ao da publicación das bases e da convocatoria do programa no Boletín Oficial da Provincia de Lugo e rematará o quinto día hábil trala publicación ás 23:59 horas. As solicitudes presentadas fóra do prazo indicado serán desestimadas.

3.3 Cada entidade interesada poderá presentar como máximo unha solicitude nesta convocatoria. No caso de que presente máis dunha solicitude, só se terá en conta a rexistrada en primeiro lugar.

3.4 No caso de que a solicitude non reúna os datos esixidos nestas bases, o órgano instrutor requirirá á entidade interesada que emende as faltas ou presente a documentación complementaria que corresponda no prazo de 10 días hábiles, indicándolle que, de non facelo, se terá por desistida a petición, previa resolución que se ditará de conformidade co establecido na Lei 39/2015, de 1 de outubro, do Procedemento Administrativo común das Administracións Públicas.

Cuarta: documentación a presentar coa solicitude

As entidades interesadas que presenten solicitude de participación no programa por primeira vez deberán achegar á instancia unha copia do NIF. Quedan exentas deste requisito as entidades que teñan participado ou solicitado participación en pasadas edicións, agás as que sufriran algún cambio a este respecto (denominación, etc.).

Quinta: notificacións

5.1 As notificacións de resolución e doutros actos administrativos practícaranse por medios electrónicos nos termos previstos na normativa reguladora do procedemento administrativo común cando as solicitudes se realizen a través da sede electrónica da Deputación de Lugo. No caso de que as solicitudes se teñan presentado no Rexistro Xeral da Deputación, noutros rexistros ou nas oficinas de Correos, as notificacións practícaranse polo medio indicado na solicitude.

5.2 No caso de notificacións telemáticas, estas entenderanse practicadas no momento no que se produza o acceso ao seu contido e entenderase rexeitada cando transcorran 10 días naturais desde que a notificación se poña á disposición da entidade interesada sen que se acceda a esta no prazo indicado.

5.3 O sistema remitiralles ás entidades interesadas avisos da posta a disposición das notificacións á conta de correo electrónico indicada na solicitude. Estes avisos non terán efectos de notificación practicada e a súa falta non impedirá que a notificación se considere válida.

Sexta: instrución e criterios de adjudicación das excursións.

6.1 A instrución do procedemento corresponderá á Deputada Delegada de Réxime Interior, Promoción do Territorio e Turismo (Servizo de Turismo), sendo o órgano competente para a aprobación das listaxes de entidades admitidas e excluídas ou en agarda, así como as posibles renuncias posteriores –de ser o caso-, a Xunta de Goberno, que resolverá no prazo máximo de 2 meses.

6.2 A prelación da listaxe de entidades admitidas na anualidade 2026 establecerase coa seguinte prioridade ata esgotar as prazas dispoñibles:

1º. Terán prioridade aquelas entidades que cumpran os requisitos para participar no programa e que non foran beneficiarias de excursións en anteriores edicións.

2º. En segundo lugar, considerarase o resto das entidades que cumpran os requisitos para participar no programa na anualidade 2026 e que foron beneficiarias de excursións en convocatorias anteriores (2021, 2022, 2023, 2024, 2025) coa seguinte orde:

1. Entidades beneficiarias en unha convocatoria.
2. Entidades beneficiarias en dúas convocatorias.
3. Entidades beneficiarias en tres convocatorias.
4. Entidades beneficiarias en catro convocatorias.
5. Entidades beneficiarias en cinco convocatorias.

Dentro de cada nivel de prioridade, a orde das solicitudes determinarase segundo a data e hora que consten no sistema de rexistro da Deputación de Lugo, cando corresponda, ou na documentación presentada a través de rexistros externos. A hora de rexistro considerarase con indicación de hora, minuto e segundo, aplicándose as seguintes regras:

Cando unha solicitude non inclúa a hora de entrega, considerarase presentada en último lugar dentro da mesma data, no caso de existir outras solicitudes rexistradas ese día.

Cando unha solicitude non especifique os segundos, considerarase presentada en último lugar dentro do minuto correspondente, no caso de haber outras solicitudes presentadas na mesma hora e minuto.

- Se varias entidades presentan solicitudes o mesmo día sen hora, ou con data e hora idénticas, a prelación establecerase segundo os seguintes criterios:

1º. Orde alfabética, tomando como referencia a primeira letra do nome do municipio onde a entidade teña a súa sede, excluindo, de ser o caso, o artigo inicial do topónimo.

2º. De persistir o empate, atenderase ao número de expediente asignado automaticamente polo sistema de tramitación da Deputación de Lugo.

6.3 Para o recento das prazas asignadas ás entidades admitidas tomarase como referencia o número máximo de participantes que indique cada unha na súa solicitude ata esgotar as prazas dispoñibles. O número de prazas solicitadas en ningún caso poderá ser inferior a 15 nin superar as 23. Se na solicitude se indica un número de prazas superior a dito límite máximo (23), as prazas que excedan non serán consideradas.

No caso de cubrirse as 3036 prazas ofertadas en primeira convocatoria, elaborárase –de ser procedente e cos criterios de prioridade establecidos na base 6.2-, unha listaxe de agarda coas restantes solicitudes. De ser posible dende o punto de vista organizativo, a Deputación poderá ter en conta estas solicitudes no caso de que algunha das entidades seleccionadas renunciase á súa participación no programa ou no caso de que chegasen a quedar prazas vacantes durante a execución do mesmo para formar grupo, tomando como referencia o número de prazas mínimo e máximo indicado nestas bases, así como o número de prazas solicitado polas entidades nas respectivas instancias.

6.4 No suposto de que as prazas non se cubran en primeira convocatoria, de ser posible dende o punto de vista organizativo, a Deputación de Lugo resérvase o dereito de abrir un novo prazo de inscrición ou para ampliar a convocatoria inicial co obxecto de que as entidades que resultasen beneficiarias dentro do primeiro prazo tamén poidan solicitar unha segunda excursión.

Séptima: Publicación das listaxes de solicitudes e contacto coas entidades admitidas

A listaxe provisional das entidades admitidas e excluídas, así como a listaxe de agarda, no seu caso, será obxecto de publicación no Boletín Oficial da Provincia de Lugo, de acordo co establecido no artigo 45 da lei 39/2015, de 1 de outubro, do Procedemento Administrativo Común das Administracións Públicas. Contra a resolución que aprobe a listaxe provisional, os interesados poderán presentar alegacións nun prazo de 5 días hábiles contados a partir do día seguinte da publicación no BOP.

De non presentarse alegacións á lista provisional, considerarase esta definitiva unha vez transcorrido o prazo sinalado anteriormente sen necesidade de nova aprobación pola Xunta de Goberno da Deputación de Lugo.

De existir alegacións á listaxe provisional, estas serán estimadas ou desestimadas pola Xunta de Goberno a través dunha nova resolución coa listaxe completa de entidades admitidas, excluídas e en agarda, que deberá publicarse nos mesmos termos que a listaxe provisional.

Contra a listaxe definitiva poderase interpoñer con carácter potestativo recurso de reposición no prazo dun mes dende o día seguinte ao da publicación da listaxe definitiva no BOP. Alternativamente, os interesados poderán interpoñer recurso contencioso- administrativo ante o xulgado contencioso- administrativo de Lugo no prazo de dous meses contados dende o día seguinte das datas antes mencionadas, sen prexuízo de que se interpoña outro recurso que estimen oportuno.

O Servizo de Turismo contactará directamente coa persoa representante ou interlocutora de cada entidade que figure como admitida na correspondente relación. O contacto inicial realizarase por teléfono coas diferentes entidades segundo a orde de admisión co fin de asignar unha data e itinerario para a excursión. No caso de que a persoa representante ou interlocutora dalgunha entidade admitida non responda á chamada realizada polo Servizo de Turismo nos diferentes teléfonos facilitados no formulario de solicitude, contactarase deseguido coa seguinte entidade que figure na lista.

Oitava: Condicións do programa

8.1 Servizos incluídos: a excursión concedida a cada entidade beneficiaria do programa *Coñece a túa provincia* incluírá o transporte para os traslados de ida e volta dende o lugar ou lugares de orixe, póliza de seguros de viaxeiros, menú de xantar, servizo de guía oficial de turismo e as entradas e visitas a diferentes lugares de interese da provincia de Lugo.

8.2 A participación no programa *Coñece a túa provincia* (anualidade 2026) terá carácter gratuíto para as entidades beneficiarias.

8.3 Número de participantes: de acordo co previsto na base 6.3, en cada excursión poderán participar un máximo de 23 persoas e un mínimo de 15. De non acadarse o mínimo de 15 persoas para formar grupo, a excursión será anulada.

8.4 Calendario de execución: as excursións concedidas no marco da edición 2026 do programa *“Coñece a túa provincia”* terán lugar nos meses que determine o Servizo de Turismo da Deputación de Lugo e realizaranse en días laborables (entre os luns e os venres agás festivos). En todo caso, o Servizo de Turismo da Deputación de Lugo determinará os días concretos nos que finalmente realizaranse as excursións.

A asignación de datas e itinerarios será comunicada ás entidades, ademais de por teléfono, por correo electrónico ou postal, segundo proceda, con tempo suficiente para a súa organización.

8.5 Visitas: os itinerarios do programa *“Coñece a túa provincia”* son os especificados no Anexo III destas bases, na sede electrónica da Deputación de Lugo e no apartado informativo correspondente ao programa que consta na web turismo.deputacionlugo.gal. En todo caso, a excursión asignada a cada entidade

beneficiaria iniciárase obrigatoriamente nun centro ou dependencia da Deputación de Lugo, seguida das visitas incluídas nunha das rutas elaboradas para este programa.

As entidades interesadas indicarán opcionalmente nas súas solicitudes ata tres centros ou dependencias da Deputación de preferencia (sendo asignado un para a primeira visita da excursión) e ata un máximo de cinco rutas para realizar a excursión correspondente no marco do programa (ver Anexo III). Para obter información máis detallada sobre cada itinerario, as entidades interesadas poderán dirixirse ao Servizo de Turismo da Deputación de Lugo a través dalgún dos medios establecidos na base décimo primeira.

Dada a obrigatoriedade de visitar un centro da Deputación de Lugo ao inicio de cada itinerario e, tendo en conta a ubicación destes (no municipio de Lugo ou en Castro Ribeiras de Lea - no caso da Granxa Gayoso Castro-), os itinerarios asignaranse a cada entidade tomando como referencia o seu lugar de procedencia e o destino da excursión. Deste xeito, cando sexa posible por razóns organizativas, procurarase que os centros da Deputación queden en ruta entre o punto de orixe do grupo e o destino determinado polo itinerario escollido.

A Deputación de Lugo resérvase o dereito de poder modificar, engadir ou eliminar algúns dos lugares de visita incluídos nas rutas establecidas no Anexo III durante a execución do programa. Estes cambios serán en todo caso comunicados á persoa representante da entidade beneficiaria á que afectase o cambio realizado.

Respecto das visitas a centros e dependencias da Deputación e ás rutas sinaladas polas entidades como preferentes nas súas solicitudes, terán carácter orientativo e non serán vinculantes para a Deputación de Lugo. A tal efecto, o Servizo de Turismo resérvase o dereito de outorgar outros itinerarios alternativos ás entidades participantes, dentro dos que figuran no Anexo III destas bases, aínda que non fosen expresamente sinalados como preferentes nas solicitudes.

Igualmente, tendo en conta o anteriormente sinalado, e co fin de procurar a maior representatividade de todo o territorio provincial no programa, cada itinerario poderase asignar como máximo en sete ocasións durante esta anualidade. Quedan excluídas deste cómputo as excursións concedidas a colectivos integrados por persoas con discapacidade, asociacións de nais e pais de alumnos e aquelas outras entidades integradas maioritariamente por persoas menores de idade.

8.6 Xantar: o menú de xantar incluírá un primeiro prato (a escoller entre dúas opcións), un segundo prato (a escoller entre dúas opcións), sobremesa (a escoller entre dúas opcións, sendo unha delas froita), pan, as bebidas indicadas en cada excursión e café ou infusión. Os participantes terán acceso á información sobre as opcións de menú e sobre o restaurante no que terá lugar o servizo de xantar o día da excursión. No caso de que algún dos participantes requira algunha adaptación do menú, informarase desta circunstancia ao Servizo de Turismo da Deputación de Lugo como máximo 72 horas antes da excursión.

8.7 Paradas de autobús para a recollida dos participantes: poderanse establecer ata un máximo de tres puntos de recollida para cada grupo. Ditas paradas determinaranse definitivamente a semana anterior á excursión, podendo admitirse algún cambio excepcional ata o día laborable anterior á mesma ás 13:00 horas, sen que o día da excursión podan realizarse paradas que a entidade beneficiaria non comunicara previamente ao Servizo de Turismo da Deputación de Lugo no prazo sinalado. En todo caso, as paradas deberán estar situadas en zonas amplas e de fácil acceso e manobra para o transporte.

As paradas poderanse situar dentro dun mesmo municipio, en municipios xeográficamente limítrofes entre si, ou ben en municipios non limítrofes coa condición de que tomando como referencia a parada máis afastada do primeiro lugar de visita da xornada, as restantes queden dentro do percorrido directo a realizar polo transporte ata a chegada ao centro ou dependencia da Deputación de Lugo que abrirá o programa de cada excursión.

No caso de que os puntos de recollida non se atopen situados en municipios limítrofes, o Servizo de Turismo valorará previamente o percorrido a realizar polo transporte, reservándose o dereito de non autorizar esta modalidade de paradas en función do desvío que impliquen con relación á ruta principal.

As horas definitivas de recollida dos participantes en orixe serán confirmadas polo Servizo de Turismo da Deputación de Lugo á persoa representante da entidade beneficiaria como máximo a semana anterior á realización da excursión.

8.8 Persoas con discapacidade: os colectivos integrados por persoas con discapacidade informarán na súa solicitude sobre as posibles necesidades especiais das persoas participantes que deba coñecer a Deputación de Lugo para unha óptima organización da excursión.

No caso de que as persoas integrantes dalgunha entidade interesada no programa presenten condicións de mobilidade reducida e empreguen cadeiras de rodas, deberán facer constar esta circunstancia na solicitude de participación.

No caso de colectivos de persoas con discapacidade física, as rutas reservadas a estas entidades son exclusivamente as indicadas ao final do Anexo III destas bases baixo a rúbrica "RUTAS ACCESIBLES RESERVADAS A COLECTIVOS DE PERSOAS CON DISCAPACIDADE FÍSICA".

O número máximo de persoas usuarias de cadeiras de rodas que poderán participar nunha mesma excursión empregando prazas adaptadas a persoas con mobilidade reducida no transporte será de catro. Excepcionalmente, no caso de que máis persoas do grupo puideran ser usuarias de cadeiras de rodas, o Servizo de Turismo valorará a adecuación dos medios dispoñibles no marco do programa para poder prestar o servizo.

En todo caso, as persoas con discapacidade deberán ir acompañadas por persoal de asistencia cando o precisen. Este persoal encargarse de realizar unha labor de apoio permanente en todo o que estas persoas puideran precisar, incluíndo- cando proceda-, o levantamento e transferencia das persoas participantes entre a cadeira de rodas e a butaca do autobús, apoio na anclaxe de cadeiras de rodas nas prazas adaptadas, etc. Este persoal de apoio ocupará praza e deberá exercer en todo momento durante a xornada da excursión a súa labor. Dende a Deputación de Lugo non se proporcionará ás entidades participantes persoal de asistencia.

8.9 Menores de idade: no caso de participar menores de idade nalgunha das excursións, estes deberán ir acompañados en todo momento por adultos, que serán os responsables da súa vixilancia e seguridade. Requirirase como mínimo un adulto por cada dez menores ou fracción. A persoa representante ou interlocutora de cada entidade participante será responsable de obter as oportunas autorizacións dos pais, nais ou representantes legais das persoas menores de idade para a súa participación na excursión.

8.10 Realización e difusión de fotografías e vídeos: durante o desenvolvemento das excursións, o persoal de acompañamento (guías) tomará fotografías ou realizará gravacións. A Deputación de Lugo resérvase o dereito de difundir por calquera medio estas imaxes. No caso de que formen parte do grupo menores de idade, a persoa representante de cada entidade participante será responsable de obter as oportunas autorizacións dos pais/nais ou representantes legais das persoas menores de idade.

8.11 Penalizacións: no caso de que as entidades beneficiarias cancelen a excursión o mesmo día da súa realización sen causa xustificada de forza maior, ou no caso de que nesa mesma data prodúzase un número de baixas superior a un terzo do número de participantes confirmado a semana anterior á realización da actividade (sempre co límite de 15 persoas para poder realizar a excursión) e tamén sen causa xustificada de forza maior, perderán o dereito a participar na seguinte edición do programa *Coñece a túa provincia*. A tal efecto, as causas de forza maior xustificadas, no seu caso, para cancelar a excursión sen a perda de dereito referida, deberán ter unha afectación manifesta e directa no conxunto do grupo e non só en determinados integrantes de maneira individual.

Novena: Obrigas das entidades e persoas participantes

9.1 Cada entidade beneficiaria designará unha persoa representante que se encargará das comunicacións co Servizo de Turismo da Deputación de Lugo. Esta persoa terá corresponsabilidade na organización da excursión e deberá aportar ao Servizo de Turismo da Deputación de Lugo toda a información relativa ás características e necesidades especiais do grupo, de ser o caso, para un óptimo deseño e desenvolvemento do programa de cada excursión.

9.2 As entidades beneficiarias encargaranse de conformar os grupos de participantes nas excursións correspondentes na forma en que mellor conveña para a súa organización. Neste sentido, será potestativo que todas as persoas que asistan á excursión sexan membros asociados á entidade beneficiaria se así o determinan os seus representantes, toda vez que se cumpran as restantes condicións sinaladas nestas bases.

Igualmente, cada entidade beneficiaria responsabilizarase de informar ás persoas participantes das características do itinerario asignado no que se refire ás visitas comprendidas no mesmo, grado de dificultade e recomendacións prácticas para a súa realización, información que previamente será facilitada dende o Servizo de Turismo da Deputación de Lugo.

En todo caso, unha semana antes da excursión, a persoa que actúe en representación da entidade beneficiaria no marco do programa proporcionará ao Servizo de Turismo da Deputación de Lugo a través do enderezo de correo electrónico atuaprovincia@deputacionlugo.org ou por calquera outro medio no que quede constancia escrita, o dato relativo ao número de persoas que participarán na excursión correspondente (que non poderá superar o máximo sinalado na solicitude nin ser inferior a 15), os seus nomes, apelidos e nº de DNI, así como información detallada sobre posibles necesidades especiais das persoas participantes. A Deputación de Lugo non se fai responsable de eventuais eivas na organización que se deriven dunha falta de información precisa e detallada sobre este extremo. Con posterioridade ao envío da lista de participantes, admitiranse cambios puntuais na mesma ata o día hábil anterior á excursión ás 13:00 horas.

9.3 A persoa que asista á excursión en calidade de responsable de grupo asinará unha declaración responsable de participación na que constará o seu nome e nº de DNI, denominación da entidade e o número de persoas que participaron no programa na data correspondente. O documento será proporcionado pola persoa que exerza como guía.

9.4 Dado o carácter gratuíto no programa *Coñece a túa provincia* (anualidade 2026), as entidades beneficiarias non poderán cobrar un prezo ás persoas participantes pola asistencia ás excursións.

9.5 O gasto ou consumo realizado a maiores dos servizos incluídos nas excursións do programa correrá por conta das persoas participantes.

9.6 A solicitude de participación no programa *Coñece a túa provincia* implica a aceptación directa destas bases e da participación no programa, no caso de resultar beneficiario.

9.7 Renuncia: no caso de que a entidade beneficiaria decida renunciar ao programa ou non reúna a cantidade mínima de participantes esixida, deberá presentar por rexistro cuberto e asinado o modelo de renuncia que figura no Anexo II destas bases reguladoras no prazo máximo de sete días hábiles antes da data excursión. No caso de que a renuncia prodúzase nun prazo inferior ao indicado, a entidade perderá o dereito de participar na seguinte edición do programa, agás que a renuncia sexa debida a causas de forza maior xustificadas nos termos da base 8.11.

9.8 As persoas representantes das entidades interesadas neste programa serán responsables da veracidade dos datos que figuran na solicitude de participación.

Décima: Orzamento do programa

A contía consignada para a anualidade 2026 do Programa *Coñece a túa provincia* ascende a un total de 269.275,06 euros con cargo á aplicación orzamentaria 4320.22799.

A contía do programa será financiada integramente pola Deputación de Lugo.

Décimo primeira: Consultas e comunicación

As entidades interesadas no programa poderán formular as súas consultas ao Servizo de Turismo da Deputación de Lugo a través do enderezo de correo electrónico atuaprovincia@deputacionlugo.org ou nos teléfonos 982260234/982260011, de luns a venres laborables de 9:00 a 14:30 horas. Igualmente, calquera incidencia que se advirta sobre o bo desenvolvemento do programa durante a súa execución deberá comunicarse ao Servizo de Turismo no enderezo de correo electrónico indicado.

Décimo segunda: Protección de datos

Os datos de carácter persoal que consten nas solicitudes e nas relacións de participantes aportadas polas entidades beneficiarias serán tratados pola Deputación de Lugo e incorporados á actividade de tratamento "Xestión do programa *Coñece a túa provincia*", cuxa finalidade é a tramitación das solicitudes e comunicacións relativas a dito programa. A lexitimación desta finalidade está baseada no cumprimento dunha misión realizada no interese público ou no exercicio de poderes públicos conferidos ao responsable do tratamento.

Non está prevista a cesión de datos a terceiros.

Os datos persoais proporcionados conservaranse durante o tempo necesario para cumprir coa finalidade para a que se obtiveron e para determinar as posibles responsabilidades que se puideran derivar de dita finalidade e do tratamento dos datos. Será de aplicación o disposto na normativa de arquivos e documentación.

Para solicitar o acceso, a rectificación, supresión ou limitación do tratamento de datos persoais ou para oporse ao tratamento, no caso de que se den os requisitos establecidos no Regulamento Xeral de Protección de Datos, así como na Lei Orgánica 3/2018, de 5 de decembro, de Protección de Datos Persoais e garantía dos dereitos dixitais, pode dirixir un escrito ao responsable do tratamento, neste caso, a Deputación de Lugo, Rúa San Marcos, 8 - 27001 Lugo ou na sede electrónica da Deputación de Lugo (<https://sede.deputacionlugo.org>).

Datos de contacto do DPD: dpd@deputacionlugo.org

A información adicional relativa á protección de datos pode consultarse na seguinte ligazón:

http://deputacionlugo.gal/registro_actividades_tratamento/conhece_a_tua_provincia

Décimo terceira: Outra normativa de aplicación:

O programa *Coñece a túa provincia* rexerese, no non regulado expresamente nestas bases, pola seguinte normativa:

- Pola Lei 39/2015, de 1 de outubro, do Procedemento Administrativo Común das Administracións Públicas.
- Pola Lei 7/1985, de 2 de abril, reguladora das bases de Réxime Local.
- Pola Lei 29/1998, de 13 de xullo, reguladora da xurisdición contencioso- administrativa.
- Pola Lei orgánica 3/2018, de 5 de decembro, de protección de datos persoais e garantía dos dereitos dixitais.
- Polo Regulamento (UE) 2016/679 do Parlamento europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos).

ANEXO I: FORMULARIO DE SOLICITUDE**DATOS DA ENTIDADE:**

NOME:	NIF:
ENDEREZO/LOCALIDADE:	C.P.:
MUNICIPIO:	TELÉFONO:
E-MAIL:	

DATOS DA PERSOA REPRESENTANTE

NOME E APELIDOS:	D.N.I.:
CARGO NA ENTIDADE:	
E-MAIL:	TELÉFONO:

DATOS DA PERSOA INTERLOCUTORA ANTE A DEPUTACIÓN DE LUGO PARA A ORGANIZACIÓN DA EXCURSIÓN (cobrir só no caso de que sexa unha persoa distinta á representante anteriormente indicada)

NOME E APELIDOS:	D.N.I.:
CARGO NA ENTIDADE:	
E-MAIL:	TELÉFONO:

Medio de notificacións: Correo ordinario Telemático**Solicita:**

A concesión dunha excursión no marco do programa “COÑECE A TÚA PROVINCIA” (anualidade 2026), para un máximo de _____ persoas. (O número mínimo de participantes será de 15 e o máximo de 23, de acordo coas bases 6.3 e 8.3).

Os itinerarios de preferencia para a participación no programa “COÑECE A TÚA PROVINCIA” na excursión solicitada son:

1ª VISITA OBRIGATORIA A CENTRO OU DEPENDENCIA DA DEPUTACIÓN DE LUGO: (sinale optativamente ata 3 opcións de acordo coa base 8.5).

 Pazo de San Marcos. Produtora de audiovisuais. Mazo de Santa Comba. Centro de Interpretación Terras do Miño. Granxa Gayoso Castro.

ITINERARIO (Indique ata un máximo de 5 opcións. Sinale o nº de ruta de acordo coa relación publicada no Anexo III das bases reguladoras do programa).

Asistirán menores de idade:

SI NON

OBSERVACIÓNS -indicar no caso de que asistan persoas con discapacidade, intolerancias alimentarias e/ou persoas con mobilidade reducida usuarias de cadeiras de rodas (ata un máximo de catro, sen prexuízo do establecido na base 8.8), para a súa valoración por parte do Servizo de Turismo da Deputación de Lugo. Igualmente, deberá facerse constar calquera outra circunstancia que se considere relevante para unha óptima organización da excursión:-

--

Declaro baixo a miña responsabilidade:

- Que os datos que figuran nesta solicitude son certos.
- Que coñezo as bases da convocatoria, en especial as condicións do programa (base oitava) e as obrigas que nelas se inclúen para entidades e persoas participantes (base novena).

PROTECCIÓN DE DATOS:

Responsable do tratamento	Deputación de Lugo. Servizo de Turismo
Finalidade	Tramitación das solicitudes e comunicacións relativas ao programa "COÑECE A TÚA PROVINCIA"
Lexitimación	Tratamento necesario para o cumprimento dunha misión realizada no interese público ou no exercicio de poderes públicos conferidos ao responsable do tratamento
Destinatarios	Non previstos
Exercicio de dereitos	Acceso, rectificación, supresión, oposición, limitación do tratamento.
Procedencia	O propio interesado ou o seu representante legal

Para información adicional relativa á protección dos seus datos, por favor, consulte o enlace web seguinte:

http://deputacionlugo.gal/rexistro_actividades_tratamento/conhece_a_tua_provincia

(Sinatura)

ILMO. SR. PRESIDENTE DA EXCMA. DEPUTACIÓN DE LUGO

ANEXO II

FORMULARIO DE RENUNCIA

DATOS DA PERSOA REPRESENTANTE LEGAL DA ENTIDADE

NOME E APELIDOS:		D.N.I.:	
DENOMINACIÓN DA ENTIDADE:			
N.I.F.:		CARGO NA ENTIDADE:	
E-MAIL:		TELÉFONO:	

Renuncio:

Á excursión concedida dentro do programa “Coñece a túa provincia” para o día _____ do mes de _____ de 2026.

Motivo da renuncia: _____

_____, a _____ de _____ de 2026

(Sinatura)

ILMO. SR. PRESIDENTE DA EXCMA. DEPUTACIÓN DE LUGO

ANEXO III: CATÁLOGO DE RUTAS**1º.- UNHA VISITA INICIAL AOS SERVIZOS E DEPENDENCIAS DA DEPUTACIÓN A ESCOLLER ENTRE:**

- Pazo de San Marcos.
- Produtora de audiovisuais.
- Granxa Gayoso Castro.
- Mazo de Santa Comba.
- Centro de Interpretación Terras do Miño.

2º.- UNHA RUTA A ESCOLLER ENTRE:

RUTA 1: O VICEDO: visita ás pontes do río Sor e ruta polas principais praias do Vicedo. Visita ao porto do Vicedo e ao miradoiro de San Román.

Opcional: visita ao Fuciño do Porco (en substitución dalgunha das visitas anteriores e segundo preferencia das entidades beneficiarias). Nota: a visita ao Fuciño do Porco non está recomendada para persoas con dificultade para camiñar.

RUTA 2: XOVE: visita ao faro de Punta Roncadoira, porto de Morás, contorna do Cabo de Morás, parque de fabricación de dolos e Portocelo. Visita á área arqueolóxica de San Tirso. Visita ás praias de Lago e Esteiro.

RUTA 3: VIVEIRO: visita casco antigo de Viveiro e ao obradoiro de Cerámica Regal ou ao Monumento Natural do Souto da Retorta.

RUTA 4: CERVO: visita á fábrica de Sargadelos e San Cibrao: praia do Torno e Museo do Mar.

RUTA 5: BURELA: visita ao barco-museo boniteiro Reina del Carmen. Visita á asociación de mariñeiros xubilados “A Moncloa”. Visita ao miradoiro de Monte Castelo. Visita á igrexa de Vila do Medio ou visita panorámica do litoral ata a praia da Marosa.

RUTA 6: FOZ: visita á vila de Foz. Panorámica do litoral polo paseo marítimo ata as praias de Llás e Peizás. Visita á la basílica de San Martiño de Mondoñedo, ao centro de interpretación de San Martiño e ao espazo Caritel.

RUTA 7: BARREIROS E RIBADEO: percorrido a pé por un tramo do paseo marítimo de Barreiros e visita á praia das Catedrais e Rinlo. Visita ao casco histórico de Ribadeo.

RUTA 8: LOURENZÁ: visita á igrexa parroquial do Mosteiro de Lourenzá, centro de interpretación da faba, fortaleza de Tovar e Cooperativa Terras da Mariña.

RUTA 9: MONDOÑEDO: visita ao casco antigo de Mondoñedo. Visita ao centro de interpretación do Camiño Norte e a un museo municipal (museo da imprenta ou casa- museo de Álvaro Cunqueiro). Visita ao Barrio dos Muíños, á “ponte do Pasatempo” e a un obradoiro artesán no Barrio dos Muíños.

RUTA 10: O VALADOURO E ALFOZ: visita ao Museo do Mel do Valadouro. Visita ao castelo de Castrodouro e á Finca Galea (Alfoz). Opcional: visita ao Pozo da Onza ou á igrexa de Santa Cruz do Valadouro no caso de non estar dispoñibles algunhas das visitas anteriores.

RUTA 11: RIORTORTO E TRABADA: visita a un ferreiro ou ao Mazo da Fraga en Ferreiravella. Visita ao museo etnográfico José Rocha en Trabada. Visita a un obradoiro de artesanía en Trabada.

RUTA 12: A PONTENOVA E TRABADA: visita aos fornos da Pontenova, área recreativa de Boulloso, miradoiro da Panda, aula da pesca e miradoiro ornitolóxico de Ría de Abres en Trabada.

RUTA 13: MONFORTE: visita ao Museo do Ferrocarril ou ao Pazo de Tor, visita ao conxunto monumental de San Vicente do Pino. Visita ao Centro do Viño da Ribeira Sacra. Explicación exterior do Colexio de Nosa Señora da Antiga.

RUTA 14: SOBER: visita á rectoral de Gundivós (demostración de olaría tradicional), visita a un miradoiro sobre o Canón do Sil. Visita a unha adega da subzona de Amandi.

RUTA 15: SOBER E MONFORTE: visita a un miradoiro sobre o Canón do Sil e a unha igrexa románica. Percorrido en catamarán polo Canón do Sil.

RUTA 16: O SAVIÑAO: visita ao Ecomuseo de Arxeriz, ao miradoiro do Cabo do Mundo II e percorrido en catamarán polo Miño dende Belesar pobo. No caso de non estar dispoñible o catamarán, visitarase unha igrexa románica e unha adega.

RUTA 17: TABOADA- CHANTADA: visita á igrexa de Taboada dos Freires ou á de San Pedro de Bemibre (Taboada), visita ao casco histórico de Chantada e á igrexa de San Salvador de Asma. Visita a unha adega da subzona de Chantada.

RUTA 18: CHANTADA- O SAVIÑAO: visita á igrexa de Santa María de Nogueira de Miño. Visita ao casco histórico de Chantada. Visita á igrexa de San Estevo de Ribas de Miño ou ao pobo de Belesar. Visita a unha adega da subzona de Chantada.

RUTA 19: PANTÓN E CARBALLEDO: visita ao convento do Divino Salvador de Ferreira de Pantón e á igrexa de San Miguel de Eiré. Visita ao pobo dos Peares. Explicación do encoro dos Peares. Visita a unha adega.

RUTA 20: PORTOMARÍN E PARADELA: visita a Portomarín e aos seus monumentos. Visita ao castro de Castromaior. Visita á igrexa de Santa María de Ferreirós no Camiño Francés.

RUTA 21: BÓVEDA- A PROBRA DE BROLLÓN: visita á aula forestal Os Trollos en Bóveda. Visita ao conxunto de adegas centenarias en Vilachá de Salvadur, visita a unha adega en Vilachá e ao castro de San Lourenzo.

RUTA 22: RIBAS DE SIL E QUIROGA: visita á abadía de San Clodio e ao centro de interpretación da minería aurífera en Ribas de Sil. Visita ao Xeomiradoiro de Campodola. Visita a unha adega.

RUTA 23: QUIROGA: visita ao Museo Xeolóxico ou ao Museo Etnográfico. Visita a unha empresa produtora de viño e aceite de Quiroga. Visita a un obradoiro de artesanía.

RUTA 24: O COUREL: visita á Fundación Uxío Novoneyra e á aldea de Seceda (Folgozo do Courel). Visita ao castro da Torre ou á igrexa de San Pedro Fiz de Hospital do Incio.

RUTA 25: PIORNEDO E NAVIA DE SUARNA. visita á aldea de Piornedo (con entrada á palloza- museo Casa do Sesto). Visita á vila de Navia de Suarna e a unha fábrica de embutidos.

RUTA 26: BECERREÁ E AS NOGAIS: visita á igrexa do Convento de Penamaior. Percorrido polo bosque dos Grobos. Explicación da ponte de Cruzul. Visita ao miradoiro panorámico da Torre de Doncos. Visita á igrexa de Santo André das Nogais.

RUTA 27: O INCIO: visita ao encoro de Vilasouto, á igrexa de San Pedro Fiz de Hospital, ao santuario de San Eufrasio, á aldea de Ferrería, fonte mineiromedicinal e monumento ao mamut.

RUTA 28: BALEIRA E RIBEIRA DE PIQUÍN: visita ás áreas recreativas de Fonte e A Cortevella (Baleira), visita ao miradoiro de San Xurxo e á Fundación TerrEo na Ribeira de Piquín.

RUTA 29: A FONSAGRADA: visita ao Museo Comarcal da Fonsagrada e a unha fábrica de embutidos. Visita á seimeira de Vilagocende.

RUTA 30: NEGUEIRA DE MUÑIZ: visita a unha adega e ao museo do mel.

RUTA 31: PEDRAFITA DO CEBREIRO E TRIACASTELA: visita á aldea do Cebreiro, ao seu santuario e palloza-museo. Visita á localidade de Triacastela.

RUTA 32: SAMOS E SARRIA: visita ao Mosteiro de Samos. Visita ao casco histórico de Sarria, Rúa do Porvir e museo do pan.

RUTA 33: LUGO: visita á muralla romana, catedral e casco histórico de Lugo, parque de Rosalía de Castro, Museo Provincial. Visita á Domus do Mitreo ou á casa dos Mosaicos.

RUTA 34: MEIRA, CASTRO DE REI E POL: visita ao castro e museo de Viladonga (Castro de Rei), Pedregal de Irimia e igrexa de Santa María (Meira), visita á área recreativa do Azúmara ou á igrexa de Cirio (Pol).

RUTA 35: COSPEITO E VILALBA: visita á lagoa de Cospeito e casco histórico de Vilalba. Visita ao Paseo dos soños. Visita á charca do Alligal.

RUTA 36: GUITIRIZ E FRIOL: visita á fonte de San Xoan de Lagostelle e finca do Balneario. Visita á fonte mineiromedicinal de Pardiñas. Visita a un obradoiro de cantería en Parga. Visita ao Museo de San Paio de Narla.

RUTA 37: BEGONTE, OUTEIRO DE REI E RÁBADE: visita ao arboretum de Galicia en Begonte ou á igrexa de Santiago de Baamonde, ponte vella de Rábade, casa das insuas e área recreativa de Penas de Rodas. Opcional: visita ao Museo de la olaría de Bonxe ou visita á Casa Museo de Manuel María

RUTA 38: ABADÍN, A PASTORIZA E CASTRO DE REI: visita á lagoa de Caque, breve tramo do Camiño de Santiago ata a igrexa de Santa María de Abadín, visita ao CIN de Bretoña e á lagoa de Fonmiñá na Pastoriza.

RUTA 39: XERMADE: visita ao parque eólico experimental de Sotavento, visita á aldea artesá da Fraga, ao “Cristo enxoiro” e á escola habanera.

RUTA 40: MURAS E OUROL: visita guiada pola ruta da arquitectura indiana de Oural e cemiterio de Xerdiz, visita á ferverza do río Xestosa. Parada en Muras, con visita á igrexa de San Pedro e área recreativa da Veiga.

RUTA 41: LÁNCARA, O PÁRAMO E O CORGO: visita ao Museo Vivo e Integrado do Campo e da locomoción agraria de Trasliste (Láncara) –MUVICLA-; visita ao conxunto de San Salvador de Castrillón e vista exterior do Pazo de Adai no Corgo. Visita á igrexa de Friolfe e campo da feira de Vilarmosteiro.

RUTA 42: BARALLA E CASTROVERDE: visita á igrexa de Berselos (Baralla), visita ao convento de Vilabade e torre-fortaleza (Castroverde). Breve incursión polo Camiño Primitivo ata a capela de Soutomerille (Castroverde).

RUTA 43: GUNTÍN E PALAS DE REI: visita á igrexa do mosteiro de Ferreira de Pallares (Guntín). Visita ao Castelo de Pambre e á igrexa de Vilar de Donas (Palas de Rei).

RUTA 44: MONTERROSO E ANTAS DE ULLA: visita á área recreativa da Peneda ou ao Centro de Interpretación das Feiras. Visita á aldea de Santa Mariña, á igrexa de Amoexa e á fortaleza de Amarante.

RUTAS ACCESIBLES RESERVADAS A COLECTIVOS DE PERSOAS CON DISCAPACIDADE FÍSICA

RUTA A: FOZ: panorámica do litoral focense dende A Rapadoira a Peizás, visita ao CENIMA e ao taller do espazo Caritel. Explicación exterior da Basílica de San Martiño.

RUTA B: BARREIROS E RIBADEO: Percorrido polo Paseo Marítimo de Barreiros. Visita ao Casco Antigo de Ribadeo e á contorna de Illa Pancha.

RUTA C: CERVO: visita ao Museo Histórico de Sargadelos, Museo do Mar de San Cibrao e paseo marítimo da Praia do Torno.

RUTA D: MONFORTE: visita ao Pazo de Tor, Conxunto Monumental de San Vicente do Pino, explicación exterior do Colexio de Nosa Señora da Antiga e visita ao Centro do Viño da Ribeira Sacra.

RUTA E: SOBER- MONFORTE: visita á rectoral de Gundivós, visita ao Miradoiro do Duque e ao Pazo de Tor.

RUTA F: QUIROGA- RIBAS DE SIL: visita a un Museo Municipal en Quiroga (Xeolóxico ou Etnográfico), visita ao Centro de Interpretación da Minería Aurífera de Ribas de Sil e a unha adega.

RUTA G: LUGO: Visita guiada polo casco antigo de Lugo, muralla romana e Museo Provincial. Visita á Domus do Mitreo ou á Casa dos Moisaicos.

Lugo, 30 de decembro de 2025.- O PRESIDENTE EN FUNCIÓNS, Efrén Castro Caloto. O SECRETARIO XERAL, José Antonio Mourelle Cillero.

R. 0028

CONCELLOS

MONFORTE DE LEMOS

Anuncio

APROBACION PADRÓN PREZO PUBLICO CONSERVATORIO 1º TRIMESTRE CURSO 2025-2026

Por Xunta de Goberno Local do día 22.12.2025 aprobouse o Padrón do Prezo Público Conservatorio Primeiro trimestre curso 2025-2026.

De acordo co disposto no artigo 102.3 da Lei 58/2003, do 17 de decembro, Lei xeral tributaria, notificanse colectivamente os recibos derivados deste padrón

De conformidade coa Ordenanza Xeral de ingresos municipais de dereito público, expóranse ao público nun prazo de 20 días, contados a partir do primeiro día do período de pago en voluntaria deste padrón, para que se poidan presentar as reclamacións pertinentes.

De acordo co artigo 14.2 c) do Real decreto legislativo 2/2004, de 5 de marzo, polo que se aproba o Texto refundido da Lei das facendas locais, contra o acordo de aprobación dos padróns e das súas liquidacións poderase interpor recurso de reposición no prazo dun mes a contar dende o día seguinte ao remate da exposición pública dos padrón. Contra a resolución expresa ou presunta do recurso de reposición que no seu caso se formule, poderase interpor recurso contencioso-administrativo na forma e prazos que a tal efecto se establecen na Lei 29/98 de 13 de xullo, reguladora da xurisdición contencioso administrativa.

De acordo co disposto no artigo 62.3 da Lei Xeral Tributaria, fíxase como prazo de pago en período voluntario dende 09.01.2026 ata o 09.03.2026.

Advírtese que transcorrido o prazo de ingreso en período voluntario, as débedas serán esixidas pola vía de constrinximento, e devindicaranse as correspondentes recargas do período executivo, os xuros de mora, e no seu caso, as costas que se produzan.